

脉浮弦而大，舌苔腻，喘息时胸部间作水鸣之声。肺气不得疏畅，当无可疑。昔人以麻黄为定喘要药，今拟用射干麻黄汤。

射干四钱	净麻黄三钱	款冬花三钱
紫菀三钱	北细辛二钱	制半夏三钱
五味子二钱	生姜三片	红枣七枚
生远志四钱	桔梗五钱	

拙巢注：愈。

曹颖甫曰：有张大元者向患痰饮，初，每日夜咯痰达数升，后咯痰较少，而胸中常觉出气短促，夜卧则喉中如水鸡声，彻夜不息。当从《金匱》例投射干麻黄汤，寻愈。又有杨姓妇素患痰喘之证，以凉水浣衣即发，发时咽中常如水鸡声，亦用《金匱》射干麻黄汤应手辄效。又当其剧时，痰涎上壅，气机有升无降，则当先服控涎丹数分，以破痰浊，续投射干麻黄汤，此又变通之法也。

41. 风水咳嗽

沈左

咳嗽吐白痰，肢节痠，此为风水，宜小青龙汤。

生麻黄二钱	淡干姜二钱	制半夏三钱
桂枝三钱	细辛一钱	炙甘草一钱
生白芍一钱半	五味子一钱	旋覆花二钱(包)
防风二钱		

42. 虚咳

赵左

咳无痰，胸背牵痛，左尺不应，右尺极微，此人阴分虚，防成劳损，当予养阴清肺。

山百合五钱	夏枯花三钱	绿萼梅三钱
甜荠苎三钱	麦冬三钱	金石斛三钱
净蝉衣二钱	轻马勃六分	瓜蒌皮三钱